

宋詩鈔補

一  
玉  
八  
冊  
玉

宛丘集補鈔

張耒字文潛。楚州淮陰人。第進士。元祐初仕。至起居舍人。紹聖中。謫監黃州酒稅。徽宗召爲太常少卿。坐元祐黨。復貶房州別駕。黃州安置。尋得自便。居陳州。主管崇福宮。卒。有柯山集。

七夕歌

人間一葉梧桐飄。蓐收行秋回斗杓。神宮召集役靈鵲。直渡天河雲作橋。橋東美人天帝子。機杼年年勞玉指。織成雲霧紫綃衣。辛苦無權容不理。帝憐獨居無與娛。河西嫁得牽牛夫。自從嫁後廢織紵。綠鬢雲鬢朝暮梳。貪懽不歸天帝怒。謫歸却踏來時路。但令一歲一相逢。七月七日河邊渡。別多會少知奈何。却憶從前恩愛多。怱怱離恨說不盡。燭龍已駕隨羲和。河邊靈官

曉催發令嚴。不管輕離別。空將淚作雨滂沱。淚痕有盡愁無歇。  
寄言織女若休歎。天地無情會相見。猶勝嫦娥不嫁人。夜夜孤  
眠廣寒殿。

秋螢行引

碧梧含風夏夜清。林塘五月初飛螢。翠屏玉簾起涼思。一點秋  
心從此生。方池水深溪雨積。上下輝輝亂凝碧。幸因簾捲到華  
堂。不畏人驚照瑤席。漢宮千門連萬戶。夜夜熒煌暗中度。光流  
太液池上波。影落金盤月中露。銀闕蒼蒼玉漏遲。年年爲爾足  
愁思。長門怨妾不成睡。團扇美人還賦詩。避暑風廊人語笑。闌  
下撲來羅扇小。已投幽室自分明。更伴殘星碧天曉。君不見連  
昌宮殿洛陽西。破瓦頽垣今古悲。荒榛腐草無人迹。只有秋來  
熠燿飛。

贈營妓劉淑女

可是相逢意便深。爲郎巧笑不須金。門前一尺春風髻。窗外三更夜雨衾。別燕從教燈覓淚。夜船唯有月知心。東西芳草渾相似。似欲望高樓。何處尋。

未說蟾蜍如素領。固應新月學蛾眉。引成密約因言笑。認得真情是別離。尊酒且傾濃琥珀。淚痕更著薄胭脂。北城月落烏啼夜。便是孤舟腸斷時。

木香

紫皇寶輅張珠幟。玉女熏籠覆繡衾。萬紫千紅休巧笑。人間春色在檀心。

次韻奉酬无咎兼呈慎思天啓

平生交結圓納方。過眼十人八九忘。晚蘭蕙畝幽谷芳。嬾隨家

奴諛五郎苦飢方朔身漫長。顛毛種種顏欲蒼。誰謂勝癡端坐  
狂。清淮之陰一草堂。列筆作陣茶森槍。絕口平戎與破羌。百年  
如此計亦臧。何用竊食官倉糧。元黃病足畏高岡。但願縮頸老  
支牀。煌煌東壁日月傍。神仙鸞鳳爭騰驤。萬書落架架復隍。牙  
籤如雲丹碧裝。晁侯再作班與揚。正始故在何曾亡。江湖十年  
願飽償。夜成七發光出囊。蘇公後出長卿鄉。爲君吳都無一行。  
世有伯樂生驪驪。官使弭耳隨鹽商。鄧侯楚山深閨房。名走上  
國交侯王。朝隨日影夜燈光。包攬今古窮炎黃。吐詞分葩有國  
香。近君如雪六月涼。又似心醉醞醑觴。東南蔡子名飛翔。同隨  
天書拜未央。瑰瑋宏傑萬夫望。頰牙凜凜有風霜。文如神鼎爛  
龍章。鍾山長齋讀老莊。論兵說佛兩俱忙。不夸得硯文字祥。但  
願破敵如頽牆。我窮乞酒更得漿。仰看三虎爭雄張。

輸麥行

并序

余過宋見倉前村民輸麥止車槐陰下其樂洋洋也晚復過之則扶車半醉相招歸矣感之因作輸麥行以補樂府之遺云

場頭雨乾場地白老稚相呼打新麥半歸倉廩半輸王免致縣吏相催迫羊頭車子毛布囊淺泥易涉登前岡倉頭買券槐陰涼清嚴官吏兩平量出倉掉臂呼同伴停亭酒美單衣換半醉扶車歸路涼月出到家妻具飯一年從此皆閑日風雨閉門公事畢豺狐置免歲蹉跎百壺社酒相經過

君家誠易知曲

君家誠易知易知獨難忘西風牆頭吹葉黃蟲絲當戶理秋光翠屏碧簾生朝涼牀頭蟋蟀見焚香鮫綃碎纈雙鳳凰上元綠

鬢遮耳璫來車去馬官道傍碧雲傳情何處郎相望玉樹啼寒  
螿

于湖曲

并序

蕪湖令寄示溫庭筠湖陰曲其序乃云晉王敦反屯于湖陰  
帝微行至其營敦夢日遶之覺而追不及故樂府有湖陰曲  
按晉地志有于湖而無湖陰本紀云敦屯于湖陰察營壘而  
去余頃遊蕪湖問父老湖陰所在皆莫之知也然則帝至于  
湖當爲斷句乃作于湖曲以遺之使正其是非云

武昌雲旗蔽天赤夜築于湖洗鋒鏑巴滇綠駿風作蹄去如滅  
沒來不嘶日圍萬里纏孤壁虜氣如霜已潛釋蛇矛賤士識天  
顏玉帳髯奴落妖魄君不見銅駝上陌塵沙起胡騎春來飲灑  
水浮江天馬是龍兒蹙踏揚州開帝里王氣尙懸五百秋弄兵



老滷生白頭。石城戰骨臥秋草。更欲君王分上流。

襄陽曲

西津折葦鳴策策。蟾蜍光入芙蓉白。山頭不雨賈船稀。日日門前江水窄。欲將烜赫招行人。旋起丹樓照長陌。銀屏深閉玉笙閒。自擘新橙飲北客。倏離暫合心未果。淚映雙眸爲誰墮。

少年行二首

駢弓鵠角蒼鵬羽。金錯旂竿盡貔虎。長驅直踏老上庭。手拔干將斬狂虜。歸來解甲見天子。金印懸腰封萬戶。自爲大漢上將軍。高揖羣公佐明主。

少年賣珠登主門。主家千金惜一身。綠鞵請罪見天子。尙得君王呼主人。鬪雞走馬長安道。豪傑驅來奉談笑。漢庭碌碌公與侯。畏禍憂誅先白頭。



代贈

洞房飛香作春霧。仙人勸酒香中語。明眸第二紫雲娘。鶯學歌聲柳如舞。蹙眉長歌澧有蘭。銀鈎請君春草篇。繁絃高張燭燒夜。玉壺未盡參在天。春泥雪消淮上路。東風浪欲驚客櫓。惱公舊事幾魂夢。過眼相逢一風雨。黃流清洛上天漢。吳山洞庭藏水府。漫題詩句寄歸舟。江口風狂那得渡。

白紵詞效鮑昭

搖輕裾。曳長袖。爲楚舞。千萬壽。新詞白紵聲。按舊朔風捲地來。崢嶸燕雁避霜飢。不鳴高堂酒多華。燈明回纖腰。出素手。髻墮鬢傾釵。欲溜爲君歌舞君飲酒。歲云暮矣七澤空。湯湯漢沔天北風。玉壺之酒樂未終。

片雪歌

瑤池一片孤飛雪。風急身輕飛不歇。誰將翠袖遮得歸。十斛明珠換與誰。金龜貴客迎將去。玉作輜輶載煙霧。人間不解桃李心。獨與琵琶自相語。主人白頭情不親。朱樓夜鎖梨花春。願同花落寄流水。飄出朱門隨路塵。長恐此生空已矣。從今失身輕薄子。人生但樂兩心知。誰是瓊瑤孰泥滓。鶯鶯中彈花辭樹。蝶散蜂驚春日暮。風光不斷流水長。不知片雪今何處。

寒食歌

東風芳草長。寒食春茫茫。人家掩門去。雞犬靜相將。原頭簇簇柳與花。行人往來長歎嗟。舊墳新塚纍纍是。裂錢燒酒何人家。桑上鳴鳩喚山雨。雨脚蕭蕭山日暮。歸來門巷正春家。花底殘紅落無數。北里悲啼夜未休。清絃脆管起南樓。古今歌哭何時盡。芳草白楊春復秋。去年巧笑鞦韆女。今年嫁作東家婦。綵繩

畫柱似當年。只有朱顏不如故。百人學仙無一成。麻姑不見。但聞名萬斛。春醪須痛飲。江邊漁父笑人醒。

### 東臯行

秋雲捲盡秋天清。東臯蕭條雞犬聲。黃葉吟風聲不平。芙蓉半落更有情。歸來僮飢羸馬疲。城頭樹暗烏欲棲。誰家朱樓人夜宿。微紅一點簾間燭。

### 贈楊念三道孚

黃鶴樓前月清輝。千里寒娟娟過江北。送子到長安。長安百萬家。車馬無時閒。中天聳觀闕。四海會衣冠。憐爾薜蘿子。豪華駭新觀。蕭蕭囊中句。飢坐奏清彈。漫郎久不愜。逸詩生風翰。寄聲武昌魚。欲從僮父餐。

### 贈張嘉甫

浮舟大江里三千。歸掃先隴清淮壩。杜門古寺厭岑寂。夢寐清  
穎如家山。汝陰昔謬稱刺史。自愧何術甦恫瘼。平生爲吏甘淺  
拙。敢作蝨賊傷民田。未憂懷甄擊之去。乃欲築室買一椽。筆瓢  
三畝易辨耳。寄聲父老不汝干。長淮冬嚴龍蜃蟄。放舟出郭天  
宇寬。浮梁橫前嫻可纜。金塔却立儼難攀。脩髯幼好此奇服。白  
璧刻珮鳴玦環。抱持微學不忍棄。清明竹木遭削刪。三年江湖  
友魑魅。一日寶府觀瑜璠。漸消鄙吝心自喜。追計存沒涕亦漣。  
尋山把酒豈易得。客路霰雪衣裘單。塵埃可洗憂可豁。待君一  
勺玻璃泉。

贈馬十二時全玉泐檄過楚頃刻而別

我離海邊方季夏。子時別我西庭下。是時積雨河水深。臥看孤  
舟放清夜。爾來忽忽冬已闌。歲晚荒涼學官舍。那知復與子攜

手猶能頃刻聽清話。來時綠樹今黃葉。須信丹顏暗中化。別離  
易得當重惜。歲月難留足悲咤。人生坎軻多憂虞。萬事紛紛少  
休暇。况余飄泊不可常。幾度相逢卽衰謝。功名有命何足求。富  
貴無常來亦乍。隨珠彈雀雖有獲。口口纖塵千金價。我于世事  
甘不學。久師壁觀依僧社。辱君指我曹溪源。行雖未至寧辭駕。  
君如有志返丘壑。我卽求田買桑柘。卜鄰丈室聽談禪。更問老  
農求學稼。

宿龜山寺下贈旻師

淮流赴海何時窮。我生飄泊西復東。山中老僧舊相見。驚我非  
復舊時容。三年歷徧百憂患。遷就汲汲如飛鴻。人生易老古所  
歎。如我安得顏長紅。塵埃漫滅舊題壁。枝葉已拱當時松。我方  
犇走師已老。更念別此何時逢。眼看故舊懷抱豁。宴坐不覺聽

山鐘長淮月高人語絕惟有塔鈴鳴夜風

送邵郎中守同州

君不見漢家左輔百萬戶。里胥夜驚厭桴鼓。爾來荆棘露霑衣。  
只有河山閱今古。邵侯風流華省郎。三十憑熊兩開府。不須閉  
閣決田訟。多屑石餅羞魚俎。東南文章舊人物。莫愧尊羹便酪  
乳。仍煩細閱白沙龍。驢驢一骨今何所。

送劉季孫赴浙東

將軍好書如郤縠。文史隨船三萬軸。吟詩坐嘯士賈勇。不學虎  
頭飛食肉。念昔先君得佳語。歸見兒童咤珠玉。乖離存歿偶不  
死。十年遇公拜還哭。堂堂山西忠勇後。凜凜典刑在眉目。總戎  
南下聊復爾。健虜黠羌要頗牧。戈船水犀土扼虎。三江大湖浪  
翻屋。丈夫爲將亦不惡。寂寞揚雄老天祿。

惜別贈子中昆仲

寒雲崩騰不成雪。北風吹窗燈半滅。病來廢飲臥無眠。終夜吟詩聲不絕。南城三俊坐契闊。想對寒爐掉吟舌。行留一日誰有情。慰我與君千里別。

官閒

官閒吏歸早。歲晏寒欲盛。槐稀庭日多。鳥下人語靜。幽花破寒色。過雁驚秋聽。酒賤莫辭沽。北風行欲勁。

病臂比已平。獨挽弓無力。客言君爲史。官何事挽弓。戲作

此詩

君不見吾鄉少年曹子桓。文章七子相後先。有時擲筆事弋獵。邀輕截俊馳平原。獾貂名弓燕代馬。射雉歸來宴清夜。一聞驚倒荀令君。何物書生乃知射。我雖把筆笑腐儒。束腰待懸玉鹿



盧自從病臂憂親友百嗜爲之心一枯降癘無名天悔禍奪之  
而與復完軀但慙未使杯安肘猶負當年門掛弧便使淒涼身  
未伏略聞弓馬氣猶麤莫爲早衰須袖手將軍臂折尙平吳

離楚夜泊高麗館寄楊克一甥

水天夕雲重不雨衣自濕夜寒更士語雞唱舟子急青黃數宿  
莽蒼茫暗原隰高城亦何有倚墻我獨立

其二

客去水關閉疎燈亦復收川鳴半夜雨臥冷五更秋扁舟已寒  
暑冉冉眞乘桴一燈照客睡短夢良悠悠

晚飯寶應

晚風吹古柏落照明空山深行得寶刹崖嶺相回環人遠草木  
遂境出魚鳥閒道人掃華堂延我具晚殮齋庖野菊美石井新

泉寒既飽涉上方。浮香出林端。平生麋鹿志，彊學伏車轅。塵懷造勝絕，欲去猶三歎。

淮陰阻雨

橋竿日日春風轉。渺渺孤舟數家縣。朝來雨暗隔淮村。白浪卷沙吹斷岸。渡頭楊柳濕青青。橋下涓涓野水生。滿尺白魚初受釣。斷行歸雁故能鳴。平生行止任遲速。篷底欠伸朝睡足。從來江海有前約。老去塵埃無可欲。曉天暖日生波光。桃杏家家半出牆。春日春波好相待。短帆輕櫓底須忙。

春陰泊龜山寄圓明

東風淮聲鳴萬鼓。山頭孤塔藏煙霧。一庵老宿何處峯。孤舟倦客沙邊雨。楊柳梢頭春未多。白蘋汀下正滄波。莫向春陰開病眼。風煙如此奈愁何。